



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 30. Idololatriæ Ruina in Ægypto.

[urn:nbn:de:hbz:466:1-66032](#)

§. XXX.

Sæculum IV.
A. C. 391.*Idololatriæ ruina in Ægypto.*

Postquam Serapis cecidit, nulli Idolorum templo non Alexandriæ modo, sed & in tota reliqua Ægypto stare licuit. Singulis locorum Episcopis curæ fuit, ut destruerentur, quod in urbibus, & oppidis, ruri, in Nili ripis, atque etiam in desertis effectum. Dum templæ Alexandriæ *Ruff. II.*
na dejiciuntur, crudelia Mythræ Mysteria *c. 24.*
patuere; in locis secretissimis, quæ Gentiles Adyta appellabant, inventa sunt absissa infantum capita labiis deauratis, quod victimis fieri solebat; præterea picturæ inventæ, sævissima mortis genera exhibentes. Nam infantes jugulare adsueverant, præsertim puellas parvulas, atque in earum visceribus futura scrutari. Tanta sævitia manifestata, erubescentes Pagani turmatim convertebantur. *Socr. V.*
c. 61.

Sacerdotum quoque falsorum Deorum detectæ sunt fraudes, quibus populorum simplicitatem decipiebant. Quædam *Theod. V.*
Idola lignea, vel ænea, intus cava, humeris suis muris incumbebant, per quos latentia itinera ducebant; ita occulte ascendentes Sacrificuli, & Idola ingressi, oracula, ut lubebat, fundebant. Tyranus, Saturni Sacerdos, hac arte urbis Priorum uxoribus illusit. Marito dicebat, *Ruff. II.*
c. 25.
Deum

Sæculum IV. Deum mandasse, ut uxorem mitteret,
A. C. 391. noctem in templo transacturam. Maritus
lætissimus, quod se Saturnus tanto hono-
re dignaretur, uxorem, pulcherrimo,
quem haberet, cultu, ornatam, & obla-
tionibus onustam mittebat; hæc in tem-
plo, cunctis videntibus, sola includeba-
tur, Tyranus portarum claves alteri pu-
blice dabat, & recedebat. At nocte con-
cubia per viam subterraneam veniebat,
& intrabat in Idolum. Multæ in templo
accensæ faces lucem dabant, cum igitur
mulier, precibus suis intenta, neminem
videret, & tamen repente vocem, exido-
lo se alloquentem, audiret, mixta pavore
lætitia afficiebatur. Tyranus, postquam
Saturni nomine, talia dixerat, quæ mu-
lieris timorem augerent, aut ad id, quod
ipse facturus erat, patiendum attonitæ
animum præpararent, subito, dispositis in
hunc effectum linteis, omnia lumina ex-
tinguebat; tum descendens, faventibus
tenebris, libidinem explebat. Jam mul-
to tempore mulieribus imposuerat vete-
rator, dum una, cœteris prudentior, ad
hanc lasciviam exhorruit, & attentius
auscultans, Tyrani vocem agnovit; ergo
domum reversa, fraudem marito aperit.
Hic statim actionem in judicio movit,
Tyranus quæstioni admotus, & propria
sua confessione convictus, multarum Ale-
xandriæ urbis familiarum infamiam pro-
palavit,

palavit, tot adulteria manifestans, & in-Sæculum IV. certam plurimæ sobolis originem. Hæc A. C. 391. crima vulgata non parum ad Idolorum, templorumque eversionem contulerunt.

Theophilus Idola ex metallo liquari jussit, ut ex iis lebetes, aliaque vasa ad usum Ecclesiæ Alexandrinæ conficerentur; nam hæc Idola ei Imperator donaverat, in pauperum necessitates conferenda; hinc Gentilibus occasio nata di-*Eunap. in cendi, Episcopum,* ut ipsis bellum mo-*Ædes p. 74.* veret, avaritia impulsum. Idolum unicum servavit integrum, inter cœtera maxime ad risum movens, effigies Simiæ fuisse creditur, & publice hominum oculis exposuit, ne aliquando, inquietabat: *Gentiles negare possint, se tales Deos adorasse.* *Chr. Marcell. an. 389.* Destructionem templorum, Deorumque Ægypti referunt ad annum 389. quo forte cœpta fuerit, sed duobus, tribusve annis duravit, sicut cognoscitur ex Lege Theodosii directa ad eosdem Ministros, qui eam executi sunt, Evagrium Præfatum, & Romanum Comitem, data Aquilejæ decimo quinto Calendas Julii, Tatiano, & Symmacho Consulibus, id est, decima septima Junii, anno 391. in hac legge omnibus, & singulis prohibetur sacrificare, templa circuire, intrare, aut quemcunque demum cultum Diis exhibere. *Judex,* qui tempore, quo munere suo fungitur, loca ista profana ingressus fuerit,

Socr. V.
c. 16.

*Idolatriæ
Ruina.*

Sæculum IV. rit, ad dandas quindecim auri libras apensas damnabitur. Nempe aliqui Magistratus adhucdum Deorum cultores erant. Nihilominus Theodosii maximum veræ Religionis studium efficere non valuit, quin celebria in pluribus Orientis urbibus templa, Deos suos defendantibus

Hieron. de populis, intacta remanerent; talia vise loc. hebr. bantur in Arabia, Petræ, & Areopoli, an Moab. ep. 7. tiqua Moabitarum Metropoli; in Palæstina Raphiæ, & Gazæ, ubi saltem Marnæ 2. templum claudi jussum.

Inter celebratissimas Ægypti urbes Canopus erat, in Insula quadam duodecim milliaribus, aut quatuor leucis Alexandria distans, ad unum Nili ostium loco salubri, & jucundissimo posita. Plura ibi visebantur templa; magna peregrinorum frequentia. Attamen non major hominum, quamvis plurimi essent, quam scelerum multitudo; nam obtentu Gymnasii, in qua litteræ Sacerdotales Ægyptiorum discerentur, prope publice magicæ artes docebantur. Sophista aliquis, cui nomen Antoninus, & Mater ejus Sospitria paucos ante annos non vulgarem sibi famam comparaverant; at Antoninus, Imperatoris pietatem pertimescens, artem occultabat. Is eversionem templi, & ipsius Serapis ruinam præagiisse, dicitur, quod vaticinium inter Gentiles ita erat vulgatum, ut S. Augustinus inde an-

Eunap. Edes. p. 71.

Canopus.

sam acceperit, librum de Divinatione Dæ- Sæculum IV.
monum scribendi. Singularis urbi Canopo A. C. 391.
Deus erat Idolum ridiculum, quod loco
corporis humani solo capacissimo ventre
constabat; impositum erat caput, & sub-
tus pedes visebantur; cœterum brachia,
crura, aliæque partes desiderabantur.
Hujus Dei hanc narrabant originem, &
historiam; Chaldæi olim ignem, quem Ruff. II.
adorabant, peregrinantes ubique secum c. 26.
ferebant, eumque cœterorum Deorum
omnium victorem jactabant. Quippe
nullum Idolum vi ignis poterat resistere,
sed omnia comburebantur, aut liquefie-
bant, aut saltem naturam mutabant.
Ægyptii habebant vas magna, ex terra
cocta, in infima parte punctim perforata,
quibus utebantur, ut infusa Nili aqua,
luto harente, pura efflueret. Uni tali
vasi Canopi Pontifex in fundo ceram ob-
duxit, illudque aqua implevit, tum vete-
ris cuiusdam statuæ caput amputatum
rotundæ machinæ concinne aptavit.
Advenientes Chaldæi ignem Deo subje-
cerunt; & ecce! liquefacta cera prorum-
pens aqua ignem extinxit. Hoc modo
Canopus Chaldæorum Deum superavit,
delevit.

§. XXXI.

Monasteria Canopi.

Theophilus Episcopus quieti caput non Ruff. II.
dedit, donec templo omnia in Cano- c. 27.
Hist. Eccles. Tom. IV. Pp p po